



ILISANNIMUT AULATSIJET LABRADORIMI

Maligatsami 11 **Nâmmasginginimmini Ilinniatop Maligatsangit**

- 11.01. Maligasuallugu una Section 22-mettumi *Ilinniatop Maligatsangani 1997*, kajusiutaumajuk pitjutitkatillugu ilinniajuk, angajukKâgik ilinniajop ilinniajullonet 19-aKappat jârikKutunitsauppalonet, maligatsamik nâmmasimangiutiKasok. Ilonnatik ilinniajut angajukKângillu KaujititaugiaKajut Ilinniaviup AngajukKânganut piugijaungipat pitjutigijaujuk ilinniavimmit Aulatsijet Ilinniavini AngajukKânganillu malitsiatillugu tâtsuminga Maligatsak.
- 11.02 Ilonnatik nâmmagijaungitut sakKititaujutsat malillugu Section 22, *Ilinniatop Maligatsangani, 1997* allatausimatillugit angajukKângata, ilinniatollonet (19-anik jâriKappat/jârikKutunitsaupalonet), namminik atitâsimalluni, atitâlunilu suliaKattik kajusititsisimajuk, kamagijaugiallataukKujallu sunaummangâta. Nâmmagingiutaujut tigujaummata angajukKânga, ilinniatulonet Kaujititaugiallik taffainak fonikut, allatausimatsiatillugu sitontinga ullungalu tigujaumaninga.
- 11.03 Nâmmagingitangit Ilinniaviup AngajukKânganottausimajut, kajusautigijausimajut suliaKatimut ilinniavimmi Kaujititaugialik 15-ni ulluni suliaKaninginni âjausimanniganik Ilinniaviup AngajukKânganut. Ilinniaviup AngajukKânga Kinuangujumik, allajutsak, pingasuit ulluit suliaKaningani Kinugattumut, allagait âjaugiaKammijut suliaKattumut ilinniavimmi Kanutsiak allasimmangât. Asianguسیمangipat kajusittitausok, ilinniatop AngajukKânga ilinniajullonet 19-aKaguni uffalu jârikKutunitsaupat, Kaujititaugiallasok AngajukKângata Ilisannimut Aulatsijinit. Ilinniaviup AngajukKânga Kaujitsigialik Kinugasimajummut âtsigajattuk allasimajamminik AngajukKângita Ilisannimut Aulatsijinit 10-it ulluit Kinugasimajamminik, ilinniatop angajukKânga KaujititaugiaKammijuk.
- 11.04 AngajukKânga Ilisannimut Aulatsijini Kaujitsigialik angajukKâmik, ilinniatumillonet (19-anik jâriKappat,jârikKutunitsaupat) maggoni ulloni Kaujititaumanimminik nâmmagingiutaujumik.
- 11.05 AngajukKâlluasiak Ilisannimut Aulatsijinit Kaujitsigialik Kanutsiak pisimamangât allaluni, senait ulluit suliaKaffini nâkKagatik âniallugu Ilinniaviup AngajukKânganut. Tamanna asiangungipat Kinugajuk aisongumijuk Nunalinni kamajinut Ilisannimut. AngajukKâlluasianga Ilisannimut Aulatsijik Kaujititaugialik âjaugasuanginganut tallimat ulluit nâkKatinnagit, ilinniatop angajukKâgik KaujititaugiaKammijok

- 11.06 kamagijaugiallataukKujak kamagijaulimmat kamajinut nâmmasimangitunik, pitjutiKatillugu AngajukKânut kajusattaumajuk tigujauppat Aulatsijinut angajukKânut tusattaugialik tallimanik ulluni suliaKaninginni. Nâmmasimangiutaujunik kamajet Kaujititaummata maligatsamik sakKititsigialet, sakKititsimatik tautsitaugunnangitut ilinniatunut, Aulatsijinut, ilinniavinut, kinamullonet maligatsialiangit. katimanniginni kamajinga itsautanga Kaujititsigialik kajusiutautuappat allasimalluni nâmmasimangitumut , ilinniavimmulu atjinganik allataumajumik tunitjilutillu ulluit tallimat KângikKâtinngit suliaKattuKaninginni. Aulatsijet angajukKângit Kaujititaugialet katimalimmipata tamatsiminga kajusiutaumajumik.
- 11.07 Nâmmagingitaugutik taffainak tusattaugunnangipat Maligatsauninginut maligatsanginni, ilinniatop angajukKânganut taffainak KaujititaugiaKajuk Kangatsiak tusâttaulâmmangât ilonnatik angiutijutsait.
- 11.08 Ilisannimut Aulatsijet itsivautameKattatuit, kamakKujausimajuillu kamajutsauvut nâmmagijaungitunik.
- 11.09 Tâna Maligatsak pitjutiKani Lungituk *ilinniatunut ilinniaviliaKujaungitunut* pitjutiKajunik *Ilinniaviup Maligatsanganut, 1997, Section 37-imettumut.*